

躋身全球影史票房榜第7位

# 《哪吒2》收155億 勢贏《復仇者3》

內地動畫電影《哪吒之魔童鬧海》(《哪吒2》)票房屢創新高，前日電影累計票房(含預售及海外票房)已超越20億美元(約155.51億港元)，跟全球影史票房榜第6位的《復仇者聯盟3：無限之戰》只差3.2億港元票房，很大機會在本周衝上第6位。

《哪吒2》不斷刷新紀錄！繼本月1日以141.6億元人民幣(約151.2億港元)票房打敗電影《蜘蛛俠：不戰無歸》，躋身全球影史票房榜第7位後，相隔兩天，前日又傳來好消息，電影累計票房已超越20億美元(約155.51億港元)，成為首部票房超20億美元的亞洲電影！現時《哪吒2》跟第6位的《復仇者聯盟3：無限之戰》只差3.2億港元票房，網民預測本周能衝上第6位。

另外，陳豪、陳滢、朱敏瀚、潘靜文、陳懿德、林智樂、冼靖峰、丁子朗、孔德賢、黃庭鋒及梁采貽等，日前到尖沙咀跟過百名孩童及中風康復者，一同觀看《哪吒2》。這

次活動非常有意義，由基層不適切居所孩子當義工陪同中風康復者，令多個家庭也能欣賞這套中國民間傳奇。活動旨在為基層家庭孩童及中風康復者帶來歡樂與鼓舞，並透過電影力量傳遞正能量，藉着傳承中國文化，發揚關懷與愛的力量。

### 陳豪讚電影傳承中國文化

向來熱心公益的陳豪表示：「好開心可以同大家一齊睇電影，見佢哋睇得好開心，又可以傳遞正能量同傳承中國文化。有時間都想帶3個小朋友去做義工，除咗可以幫助有需要嘅人外，仲可以畀佢哋體驗。」朱敏瀚表示：「班小朋友咁細個已經開始做義工，真係好好。同埋見到一班中風康復者，個個都精神奕奕，我仲問佢哋有冇睇《痞子無間道》，佢哋都話有呀！」陳滢亦稱：「能夠參與其中感到榮幸，特別係見到大家睇得咁

■《哪吒2》情節豐富及宣揚中國文化，難怪票房大收。

開心，而且班小義工好可愛，同佢哋玩得好好開心。」

丁子朗說：「好開心可以同一大班人去睇戲，本身都想入場睇《哪吒2》，今次活動有意義，又有得睇戲，真係一舉兩得。」陳懿德開心說：「大家可以相聚欣賞一部咁有意思嘅動畫電影，真係好興奮，多謝主辦單位邀請，有時間都想參與多啲善事。」



陳豪讚《哪吒2》好睇。



## 葉蒨文發福 依然迷人

「無綫小花」葉蒨文(Sophie)是處境劇《愛·回家之開心速遞》的「顏值擔當」，憑天使面孔及迷人身段吸納不少男粉絲。日前晚上她乘搭天星小輪過海，但由於近期是回南天，維港相當大霧。她在社交平台分享靚相及留言：「咁大霧搭天星小輪都係第一次。」Sophie拉下外套大晒香肩「打卡」，雖然靚樣依然，但有網民指她手臂比平時粗及凸臃，紛紛問她是否增磅，但亦有粉絲指女神胖了同樣甜美迷人。



■葉蒨文被網民發現有小肚臍。

## 24小時拍新歌MV 張馳豪劫到跌Watt



繼排行榜冠軍歌《Dirty Rhythm》和《宇宙逃生口》後，張馳豪(Aska)於最新單曲《Catch A Feeling》繼續參與編曲和填詞。「鬆弛豪」(粉絲暱稱)特別為這首新歌做了多款應援，Aska為了多謝「鬆弛豪」支持，日前抽空到旺角自己的Billboard打卡，順道跟粉絲見面和合照。

Aska笑言拍新歌MV的時間應該破了自己的紀錄：「拍咗接近24小時，由朝早好Hyper，到晚上跌晒Watt，經歷好多環境、情緒同體能上嘅轉變。最難忘係第一次拍落雨情景，之前睇人哋拍落雨戲，會幻想佢哋點拍，今次終於知點拍，需要好高技巧控制落雨嘅方向，同埋點樣喺鏡頭前呈現逼真效果，所以今次學咗好多嘢，不過好凍，哈哈！」

■張馳豪感激粉絲為其新碟落力應援。



■劉穎璇於劇中施展「奪命箍頸絞剪腳」。

由陳山聰、張振朗、劉佩玥、劉穎璇、丁子朗、郭柏妍、林子善、區明妙等主演的無綫動作懸疑劇《奪命提示》，將於3月17日起接棒《痞子無間道》，逢周一至周五晚八時半在翡翠台播映。前晚無綫正式發布首條長約30秒的官方預告片，除打正旗號以「AI人工智能加盟是敵是友」作為宣傳重點外，還在極短時間內曝光劇集精華，包括充滿官能刺激的槍戰及爆破場面。當中劉穎璇的無敵長腿攻擊、奪命箍頸絞剪腳，以及張振朗的倒掛金鈎均相當有睇頭。

## 劉穎璇長腿制敵